

Ñiic 58

1. Kä æ ñu ci buàn mi diit Yecu guœœer œ?

-Kæ šoo gòr kæn nèn nyuuthni ti gày kæ naath ti bi Yecu kæ nyœk kæ lät kä naath tin tè kæ juàth.

2. Dè buàn næi dàñ di cöp?

-Æ buàn mi pèk kä bathdœœeri dhieec.

3. Kä mëë ci Yecu jæ tök kæ mi miithæ naath, kæ jurayni di kænæ ræc di ti tëë tè kæ jæ mœ?

-Kæ Jurayni dàñ dhieec kænæ ræc ræw.

4. Kä cu Yecu jæ luãñ idi i bæ næi ti bathdœœeri dhieec mieth kæ jurayni dàñ dhieec kænæ ræc ræw?

-Kæ šoo Yecu æ Kuoth.

-Kä kæ šoo tè Yecu kæ luãñ kæ lätni kä ti diaal.

5. Kä æ ñu gòr naath æ i ba Yecu jakä kuäär in diit œ?

-Kæ šoo gòr kænæ i bi Yecu kæ kàm mith guàthni diaal.

6. Kä æ ñu kèn Yecu jæ gòr i bæ la kuäär nath in diit œ?

-Kæ šoo Yecu ñäcæ lòc nath kæ ti jïäkæ.

-Yecu ñäcæ jæ i naath gòr kæn ni šoo bæ kæ möc mieth kãraœ.

7. Yecu cètæ kæ mana ëë ci Kuoth æ kàm Gaat lth-rÿl dädœaar idi?

-Cèt kæ mëë ci mana bèn piny cieñ nhial, inœ bä ci Yecu bèn piny cieñ nhial.

-Cèt kæ mëë mana munæ Kuoth, inœ bä Yecu munæ Kuoth.

-Cèt kæ mëë dè Gaat lth-rÿl liu mi /kèn kæn mith kæ mana, inœ bä bi naath liu mi /ca Yecu bi ñãth.

-Cuæ tè kæ Ji Pÿ-ræ-thith kænæ ñieec ñuœetni ti cu bèn kä Yecu.

Kuænæ Mak 7:1-5

1-Kä cu Ji Pÿ-ræ-thith kænæ thàañ ñieecni ñuoetni ti cu bèn kä Jæ-ru-thæ-læm bèn nhiamYecu

2-cu kæn thàañ jààkni Yecu næn camkæn mieth kæ tètkiæn ti “ñuæth,” kæ šoo /kàn kæ lak.

3-(Ji Pÿ-ræ-thith kænæ Ji Juudh diaal /cikæ la mith mi kàn tètkiæn koeñ lak kæ ciañ ñuoetnikiaen, tin ca ñiic ni kæ æ dit.

4-Mi cikæ bèn joek guäth kòkä ñœaani /ci kæn la mith mi /kàn tètkiæn koeñ lak. Kä tit kæn ñuoet ti koeñ bä, cèt kæ làk liiri, kæ dhàari kænæ töök.)

5-Kä cu Ji Pÿ-ræ-thith kænæ ñieec ñuoetni Yecu thiec, “Æ ñu mith jààku æ kàn tètkiæn lak œ cèt kæ ñiic ditni mœ?”

-Kä æñ ci Ji Pÿ-ræ-thith kænæ ñieec ñuoetni gaak kæ jààk Yecu mœ?

-Kæ šoo /kèn jààk Yecu ñuoet ditni guœœer.

-Æn ñiic ditni æ lèèñu?

-Æ ñiic mi ci Ji Pÿ-ræ-thith æ nooñ raar kæ šoo bi naath æ guœœer kæ kui kä šoo bi Kuoth kæ nhœk.

-Kuoth nhœkæ naath cèt kæ pèk ñiicä min kääp naathæ kæ cärkiæn?

-Šèth.

-Kä kæ šoo kääp Ji Pÿ-ræ-thith ñuoet diaal tõe ca làt æ kæn, ci kæn æ ñäth i doœœe bi Kuoth kæ nhœk.

-Kä kæ šoo Ji Pÿ-ræ-thith kääp kæn ñuoet ditni, lòckiæn ñöt kæ kæ ti jiäk niæ thin.

-Æn kàpdu kæ ñuoet dèè lœcdu jakä goea æ kæn?

-Šèth.

-Kä kæ šoo Ji Pÿ-ræ-thith kääp kæn ñuoet raariaen, kä lòckiæn ræci kæ ti jiäk æ lòñ.

-Mi tè dhaar thàtdu kæ dhiac nyantèri ræci, dèræ bè raar kæ làk dhar raaræ?
-Šèth.

-Æ ñu mi ci Yecu æ làr Ji Pÿ-ræ-thith?

Kuænæ Mak 7:6

6-Cu Yecu jæ löc, “Tè Ai-dhæ-yæ kæ cuœœñ mēē cæ ruac kæ kuidun yiæn ji myÿtä; cet kæ mēē ca goer: ‘Næi titi luœeth kæ šä kæ leepkiæn, kä löckiæn nànkæ kæ šä.’”

-Ci Yecu Ji Pÿ-ræ-thith coel i ji mæætä.

-Kac æ ñu?

-Kac æ rami /ci ruaacnikæ kænæ lätkæ wäk kææl, kæ šoo /ci kæ kæl.

-Ci Yecu wèè mi ca lar æ gòk ni Ai-dhæ-yæ ræi Buœk Kuœeth kæ kui diæn æ thuœk.

-Æ ñu mi ci gòk ni Ai-dhæ-yæ jæ lat kæ kui nææni titi?

-Ci gòk ni Ai-dhæ-yæ jæ lar kæ kui nææni titi i kæn ñàthkæ Kuoth kæ lèèpkiæn, kä löckiæn nànkæ kæ Kuoth.

-Ci gòk ni Ai-dhæ-yæ jæ lar i ñàth kæ Kuoth kæ rietkiæn, kä /ci mœ löckiæn.

-Æn Kuoth nhoekæ næi tin ñàthkæ jæ kæ rietkiæn?

-Šèth.

-Kä æ ñu mi ci Yecu æ nyœk kæ lär Ji Pÿ-ræ-thith?

Kuænæ Mak 7:7-9

7-Ci Yecu wèè “Pàlkæ šä bañ; kæ šoo ñieckæ ni ñuœet nath.’

8-Cia ñut Kuœth bàny piny kä cuœeræ káp ni ñiic ditni nath.”

9-Kä cuæ kæ jiok: “Yiæn cia tèè kæ duœpkun gòlä ti bànyæ ni ñuœet Kuœth piny kæ šoo bia tit ni ñiic ditni!”

-Ci Yecu wèè Ji Pÿ-ræ-thith ci paliæn nhiam Kuœth /thil luœet.

-Ci Ji Pÿ-ræ-thith paliæn nhiam Kuœth /thil luœet i idi?

-Kæ šoo lòk Kuoth paliæn.

-Kä æ ñu Kuoth /cæ pal Ji Pÿ-ræ-thith nhœk œ?

-Kæ šoo paliæn bæ lèèpnikiæn kä ro, kä /cæ bæk raar lòcnikiæn.

-Kæ šoo paliæn nyöøthæ rœ puànynikiæn, /ci mœ lòcnikiæn.

-Æn Ji Pÿ-ræ-thith làt kæ ni ñu kæ ciañ ditnikiæn?

-Ji Pÿ-ræ-thith tòl kæn ni ñuœet Kuœth kæ jæ.

-Gòr Kuothæ i dè naath ñuœetkiæn mat ræi Buœkdæ, min la Bayböl?

-Šèth.

-Kœn /cuœenæ duœœer bi wœc kiæ rœp kä tin ci Kuœth kæ lar kä Bayböl.

-Kæ kœr kä mœë ci Yecu mæmæ làr Ji Pÿ-ræ-thith, cu Yecu buœen cœl.

Kuænæ Mak 7:14-15 kænæ 17-19

14-Cu Yecu buàn nyœk kæ ciol rœ, “Yiæn diaal, liæñæ šä, kä tiætæ mæmæ.

15-/Thilæ mi tè raar ran mi dè jæ jakä kä ‘jiäk’ kæ wädæ puœœenydæ. Kä æ min bèè raar ran æ jæn bi jæ jakä ‘jiäkœ.’”

17-Kä kæ koer kä mœë ci Yecu buàn bàn y piny kä cuæ cœth duèèl, cu Jàækæ jæ thiec kæ kui cäätä min cæ lar.

18-“Yiæn /thil yiæn tiit?” cuæ kæ thiec. “/Ci yiænæ ñäc æn šoo /thilæ mi la wä puœœeny ran mi dè jæ ‘ñuÿth’

19-Kæ šoo /ci cœthni jæn lœœecdæ wäni jæn jÿydæ, kä nyœkæ rœ kæ kac raar puœœenydæ.” (Kæ lär kä mæmæ ci Yecu mith diaal jakä “gœw”)

-Kä æ ñu mi ci Yecu æ làr buàn?

-Ci Yecu wèè /thilæ mi wäk ræi ran kä bè raar mi dè raan jakä ‘ñuæth.’

-Kä Yecu lötæ ni ñu?

-Yecu lötæ ni šoo /ci naath ñuæth kæ kui mithni ti jiäk kiæ tèt ti ñuæth-ñuÿÿth.

-Æ ñu /ci naath jiääk kæ mieth mi ñuæth kiæ tèt ti ñuæth-ñuÿÿth œ?

-Kæ šoo mieth mi ñuæth kænæ tèt ti ñuæth /cikæ wä lœœec.

-Ci Yecu wèè mieth mi ñuæth kænæ tèt ti ñuæth wäk jÿiy, kä lœc kæ raar puœœeny, kä /ca lœc thiap æ kæn.

-Kæn tin cam koen kæ dè koen jakä gœw nhiam Kuœth?

-Šèth.

-Kæ šoo tæ kæ ti /canæ cam æ jæn in dè koen jakä gœa nhiam Kuœth?

-Šèth.

-Kä tin läth koen kæ puœœeny kæ tin dè koen jakä gœa nhiam Kuœth?

-Šèth.

-Kæ šoo tæ kæ ti /canæ läth puœœeny dè koen jakä gœa nhiam Kuœeth?
-Šèth.

-Kä æ ñu mi ci Yecu jæ lar bä?

Kuænæ Mak 7:20-23

20-Kä cu Yecu wè kæ ruac i, “Min bè raar ran æ jæn min jak raan kä ‘ñuæth œ.’

21-Kæ šoo ræci, ræi lœaac ran, bèni cär ti jiäk raar thin, ciañ lèèrä, kual, näk, dhom mään,

22-ciañ rææñä, nhok rikni nath, ciañ mi wänwän, kuèèth, ciañ jiääk, tiææl, liak kæ roe, kænæ lät doœœä.

23-Kæn ti jiäk diaal titi bèkæ raar puœœeny ran kä kæ kæn tin jakæ raan kä ñuæth œ.”

-Æ ñu mi ci Yecu jæ lar kæ min jak raan kä ñuæth œ?

-Ci Yecu wèè min tè ræœœ mœ æ jæn min jak raan kä ñuæth œ.

-Æ ñu mi tè ræci mi jak raan kä ñuæth œ?

-Æ lœœdæ.

-Kæ šoo ci A-doem kænæ Yip duer ræi Kakä Æ-djÿn, cu lòckiæn cu ñuæth niæ wance.

-K-æn kænæ Æ-bæl ca lòckiæn dap ñuæth kæ.

-Ab-ram, Ai-dhæk, kænæ Jæ-kœeb ca lòckiæn dap ñuæth kæ.

-Kä Gaat Ith-rÿl ca lòckiæn dap ñuæth kæ.

-Næi diaal ca lòckiæn dap ñuæth kæ.

-Kä kæ šoo ca næi diaal dap kæ lòc ti ñuæth, cu ñuÿth kæliw cu bèn raar lòcniœen.

-Æn Kuoth næænæ ciañ jiäni lòcnikœn?

-Juä.

-Kuoth næænæ jiäak in tè lòc nææni diaal.

-Kä jiäk tin tè, lòcni nææni diaal kæ ñuuni?

-Kæ cär ti jiäk, ciañ lèèrä, kual, näk, dhom mään, ciañ rææñä, tiææl, nhok rikni nath, ciañ mi wän-wän, ciañ jiäak, kuèèth, liak kæ rœ, kæænæ lät dœœerä.

-Kä cu Yecu naath möc kæ cäät.

Kuæænæ Luk 18:9-12

9-Tæ kæ thaañ nath ti ñäckæ ni ciañ goeyädiæn kä guæckæ næi tin kœñ piny, cu Yecu cäät æ mæ cu lar:

10-“Tæ kæ wuni ræw ti ci wä pal luaak Kuœth, kæel æ raan Pÿ-ræthith kä min dœñ æ thuul thulbukä.

11-Kä cu raan Pÿ-ræ-thith rœ jiæc kä cuæ pal kæ rœœedæ i: ‘Kuoth, kàmä ji liak kæ šoo cä cèt kæ næi tin kœñ– tin la mààc, lààt jiäkni–riär æ mäni /cet kæ thuul thulbukä mæmæ.

12-Thekä kä rææw kä juœek kä thöpä wäl nyinikä tin jièkä.”

-Ræi cäätä min ci Yecu jæ lar, kæ ñaani kæen næi dàñ ræw tè ci wä luaak palä mœ?

-Kæel æ raan Pÿ-ræ-thith kä min dœñ æ thuul thulbukä.

-Æ ñu mi ci Pÿ-ræ-thith æ car kæ rœœedæ?

-Æn Pÿ-ræ-thith caræ ni šoo goea lœcdæ.

-Kä æ ñu car Pÿ-ræ-thith jæ mœ i goea lœcdæ mœ?

-Kæ šoo cæ ñuœet ditni kăp.

-Kæ šoo thekæ kărææw kă juœek.

-Kæ šoo thöpæ wäl wàalikæ tin la jiekæ ni ciañ luaak Kuœeth.

-Æn Pÿ-ræ-thith cæ roe liak æ lõñ.

-Caaræ jæ i æ wut mi goea.

-Caaræ jæ i tin diaal tin cæ làt goew kæ.

-Caaræ jæ i goea ni jæn kă næi tin koekiaen.

-Æn Pÿ-ræ-thith /cæ jæ ñäth i gòræ Kään.

-Kä tæ idi kæ kui thuul thulbukä?

Kuænæ Luk 18:13

13-Kä cu Yecu wèè, “Cu thuul thulbukä cuœñ æ nàn. Kä /kènæ jæ læ gòr i bæ nhial liæc, cuæ kawdæ piem kă wèè i, ‘Kuoth, æ lœcdæ koec kæ šä, æ šän guàn duèèri.’”

-Æ ñu mi ci thuul thulbukä jæ car kæ roœœdæ?

-Ci thuul thulbukä jæ ñàc i lœcdæ ñuæthæ.

-Kä cu thuul thulbukä jæ ñàc idi i lœcdæ ñuæthæ moe?

-Kæ šoo cæ jæ ñàc i cärkæ tin jiäk bèkæ raar lœœcdæ min ñuæth.

-Ci thuul thulbukä jæ ñàc i cæ duèr, kæ šoo cæ Kuoth duer duer.

-Cæ jæ ñàc i /cæ loecdæ min ñuæth dè luãñ kæ rièt.

-Cæ jæ ñàc i ròñ æ kæ lià.

-Kä cu thuul thulbukä Kuoth cu coel kæ šoo bæ jæ kän.

-Kä æ ñu mi ci Yecu jæ nyœk kæ lär?

Kuænæ Luk 18:14

14-Kä cu Yecu wèè, “Šän làrä jæ yiæ æn wut æ mæ, kä wut in dœñ, cuæ puœth jiek nhiam Kuœth. Kä rami wä roe wä kap nhial ba jæ luœc piny, kä rami wä roœedæ luœc piny ba jæ kap nhial.”

-Ci Kuoth nhœk ni raan Pÿ-ræ-thith?

-Šèth.

-Kä æ ñu cu Kuoth raan Pÿ-ræ-thith lòk œ?

-Kæ šoo Pÿ-ræ-thith /cæ jæ ñäth i ñuæth loecdæ.

-Kæ šoo Pÿ-ræ-thith /cæ jæ ñäth i cæ Kuoth duer duer.

-Ci Kuoth thuul thulbukä nhœk?

-Juä.

-Kä æ ñu ci Kuoth thuul thulbukä nhœk œ?

-Kæ šoo ci thuul thulbukä jæ ñàc i tæ kæ loec mi ñuæth.

-Kæ šoo ci thuul thulbukä jæ ñàc i cæ Kuoth duer duer.

-Kæ šoo ci thuul thulbukä Kuoth coel kæ šoo bæ jæ kän.

-Kä æ ñu mi ci Yecu jæ lar kæ guut cäätä?

-Ci Yecu wèè rami löc rœ piny nhiam Kuœth, bi Kuoth æ kap nhial.

-Kä rami wä rœ kap nhial nhiam Kuœth, bi Kuoth æ luœc piny.